



SESOTHO A1 – STANDARD LEVEL – PAPER 1
SESOTHO A1 – NIVEAU MOYEN – ÉPREUVE 1
SESOTHO A1 – NIVEL MEDIO – PRUEBA 1

Thursday 17 May 2001 (afternoon)
Jeudi 17 mai 2001 (après-midi)
Jueves 17 de mayo de 2001 (tarde)

1 hour 30 minutes / 1 heure 30 minutes / 1 hora 30 minutos

INSTRUCTIONS TO CANDIDATES

- Do not open this examination paper until instructed to do so.
- Write a commentary on one passage only. It is not compulsory for you to respond directly to the guiding questions provided. However, you may use them if you wish.

INSTRUCTIONS DESTINÉES AUX CANDIDATS

- Ne pas ouvrir cette épreuve avant d'y être autorisé.
- Rédiger un commentaire sur un seul des passages. Le commentaire ne doit pas nécessairement répondre aux questions d'orientation fournies. Vous pouvez toutefois les utiliser si vous le désirez.

INSTRUCCIONES PARA LOS ALUMNOS

- No abra esta prueba hasta que se lo autoricen.
- Escriba un comentario sobre un solo fragmento. No es obligatorio responder directamente a las preguntas que se ofrecen a modo de guía. Sin embargo, puede usarlas si lo desea.

Nts'a maikutlo a hau holim'a e 'ngoe ea litsulo tse latelang;

1. (a)

Lehloa la 1987

Ha u ts'aba u ts'abe lehloa sebata,
Lemo ke sona sa sekete hantle,
Kholo a robong, shome a robeli,
Metso e supile leholimo rare,
5 Khoeli ke ea Mphalane ho toloka.

Ha u ts'aba u ts'abe lehloa,
Phoofolo tsa ema ka saka bothata,
Phoofolo tsa khotsa lehloa bongata,
Li ntse li sisinya lihlooho khafetsa,
10 Ena ntho ke nalane ka Lesotho.

Ha u ts'aba u ts'abe lehloa,
Ka meraka ha utloahala letsapa,
Lishoi tsa fella bana ba batho,
Metjoli e pateletsoe lihlabeng,
15 Ke libochoa ka Makheka lihlabeng.

Ha u ts'aba u ts'abe lehloa,
'Muso oa phalla ka lihlabeng,
Oa phalla ho pholosa maphelo,
Roala-nkhoana sa pota Kepising,
20 Sa potoloha ka Sane lihlabeng.

Ramone M. *'Na ke Mosotho* 1999

- Hloaea le ho qoqa ka taba ea mantlha e hlahelang thothokisong ena?
- Nts'a maikutlo a hau mabapi le ts'ebeliso ea puo le sebopeho sa eona thothokisong ena.
- Thothokiso ee e kenya maikutlo afe kelellong ea hau? Hobaneng?

1. (b)

E 'ngoe ea lipatlitliso tse kileng tsa suhisa Ramarothola rapo la puleng, e bile ea bonoi ba tee le bonoi ba joala. Koana a ka be a ile a e qeta kapele hoja a ne a sa kena ho eona a se a e na le ts'ekamo ea hore joala e tlameha bo le turu ho feta tee. O tla ea, a ee le lipalo tsa hae joalo e re ha a lokela ho lihela likhala, a fihlele hore ho noa joala ho ka tlase ho ho noa tee. E be moo a khathalang matla; a hane ho amohela karabo eo lipalo li mo fang eona; 'me a qalelle bocha. O nkile majoala ka mefuta ea ona kaofela; ba Sesotho. A kene mefuteng ea morao-rao tjena, a fumane ho hang palo li hana ho nyolohela ho tsane tsa tee. Ke ho khathala matla, a ts'elela ho a sekhoaa, a bobebe, a babang le a tahang ka sekahla, ho a honyella ho liveini tse tsoekere e senyekhenyekhe.

5

10 A fumana theko ea tee e ntse e imathela holimo koana. Ka hlakoreng la liteee le teng a feta mefuteng ea tsona kaofela ka litheko tsa tsona tse sa ts'oaneng. Ha a kopanya 'me arola ka palo ea mefuta ea liteee ho fumana kakaretso e mahareng, a re potlololo, e le ha a fumana kopi ea teee e ntse e le kaholimo ho ea joala ka lits'enyehelo. Lipalo latolang Ramarothola le ha a se a beheletse theko ea lebese thoko 'me a sebelisa tsoekere e

15 sootho eo a neng a tseba hantle hore linoi tsa makhonthe tsa teee ha li batlane le eona. Beke tsa fela, khoeli tsa fela, Ramarothola a sa fihle moo a batlang. Ntho li peli tse neng li nyolla boturu ba teee ka potlako; mofuthu oo e o hlokang le ho senyeha kapele ha eona. Teee ha e na molatsa 'me ha ho senoi se khotsofallang teee e batang. Le teng ha e ile ea fola 'me oa tlameha ho e futhumatsa bocha, ha e sa le eona; e se e fetoha

20 'mala 'me le tatso e ba eselesele. Ke moo monoi oa eona a tlamehang ho e qhala, le ho batla mahlaku a macha ka metsi a macha hape 'me a senyeheloe ke e 'ngoe ea lintho tseo Ramarothola a neng a li sibaelitse ka theko e phahameng, NAKO. Ho nka nako e kae pele metsi a teee a bela? Ke metsotsoana e mekae e senyehang ha monga teee a ntse a emetse hore e loee le mahlaku a qite? Ke moo theko ea teee

25 lipalong tsa monghali e fofelang marulelong. Ramarothola a boela a fumana ha a ntse a nts'etsa patlisiso pele, hore teee ha e khaolisanoe joalo ka leting 'me e natefela monoi ha e tsamaea le ho hong ho kang kuku kapa lekoenya kapa bohोजना. Ramarothola o ne a se a le lekhateng la ho inehela le ho phatlalletsa sechaba hore phuputso eo a e entseng e hlahisa joala bo ja chelete e ka tlase

30 ho ea tee hoja a se fihleloe ke khopolo e 'ngoe ea bohlokoa; ts'enyehelo ea motho holim'a joala ha e felle motintolong kapa botlolong empa e fetela 'meleng oa motho. Joala bo thethefatsa boko ba motho; bo lutlisa qaati lero le lengata 'me bo sotla senya le liphieo tsa motho ho feta teee. Ha Ramarothola a fetolela ts'enyehelo ena ea litho tsa 'mele oa motho cheleteng, a thaba ho bona theko ea joala e phahametse ea teee.

Mhlakza V. *Lekomo* 1998

- A k'u hlahise maikutlo a hau mabapi le tsela eo Ramarothola a hlahisitsoeng ka eona u bule le ka bohlokoa ba hae qotsulong ena.
- Hlahloba mokhoa oo sengoli se o sebelisang ho hapa maikutlo le hore re be le thahasello qotsulong ena.
- U nahana hore maikutlo a sengoli ke afe mabapi le litaba tsee? Hobaneng?